



Protokoll zur 24. Generalversammlung des Fan Club ZH Unterland auf dem Bauernhof der Familie Flükiger in der Katzenrüti

1. Barbara begrüßte alle Anwesende zur 24. GV um 16.17 in der gemütlichen Scheune, draussen begann es zu regnen.
2. Es haben sich 30 Mitglieder, 7 Gäste und ein Hund eingetragen.(der Hund hatte einen Stellvertreter).
3. Als Stimmzähler wurde Rosmarie gewählt.
4. Zu den Mutationen: 8 Neumitglieder, 3 haben sich gleich nach der letzten GV angemeldet, nämlich: Katrin Keller, Roger Grendelmeier und Bea Brunner. Dazu: Andre Wolfensberger, Regula Viazzoli, Fam.Roger Schneeberger, Familie Suter, Jasmine Osvald. 6 Austritte: Jürg und Angelika Murri, Ueli Schlatter, Maya Volkart, Marc Hottiger, Karin Buechi. 2 Ausschlüsse: Werner und Sandra Dietz Die Neueintritte wurde einstimmig begrüßt und den Ausgetretenen wünscht Barbara alles Gute. 33 Mitglieder haben sich für die GV entschuldigt. 30 Mitglieder,6 Gäste und 2 Kinder haben sich für die GV angemeldet. Unser Verein hat jetzt 80 Mitglieder.
5. Protokoll der letzten GV wurde einstimmig gutgeheissen.

6. Jahresbericht der Präsidentin wurde mit viel Applaus angenommen.
7. Kassabericht endete mit einem Überschuss von 1000.-. Max wäre gerne in die Ferien damit gefahren, aber damit alle etwas davon haben, hat der Vorstand beschlossen dass auch die Getränke heute gratis sind.
- 7.a Revisorenbericht wurde von Vreni vorgelesen und der Kassabericht wurde einstimmig angenommen.
8. Festsetzung des Jahresbeitrages.
Jetzt Fr.50.—für Erwachsene, 2x Fr. 50,-- für Familien, Kinder Gratis,
Fr. 50.-- Alleinerziehende Kinder Gratis, Fr. 10.—für Kinder bis 16 Jahre, Fr. 20.—für Jugendliche.
Die Abschaffung der Busse für unendschuldigtes fern bleiben von der GV wurde mit
27 : 3 Stimmen gutgeheissen.
- 8.a Budget 2007/2008
Mit einem voraussichtlichen ausgeglichenen Ergebnis wurde das Budget einstimmig gutgeheissen.
9. Antrag vom Vorstand Statutenänderung wurde Einstimmig gutgeheissen
10. Wahlen:
Einstimmig und mit viel Applaus wurde Barbara als Präsidentin wieder gewählt. Und als Dank für Ihre Arbeit bekam sie noch einen Blumenstrauss und Kirschstängeli.
11. Verschiedenes / Anlässe
Roli Habisreutiger erzählt noch einiges über die Kloten-Flyers.
Es stellten sich noch Nike Panitsas vor, die neu auf der Geschäftsstelle ist für Marketing. Weiter erwähnte sie noch das Kurt Steinwender neu die Sport und Administrative Leitung übernommen hat auf der Geschäftsstelle.
Vielen Dank für das kommen und viel Glück in der neuen Saison.
Die genauen Daten für die neue Saison und für die Anlässe werden euch noch Zugesandt.

Die GV endet um 17.11.

Oberglatt, den 24.06.2007 Rolf Ebner

Jahresbericht von der Präsidentin

Ja und scho isch wieder es Jahr verbie.

Am 10. Juni hämmer bi super schönem Wätter euisi 23. GV gah.

Es isch sehr gmütlich gsih.

Die neu Season hät am 15. Septämber in Fribourg guet agfange für Chloote.

Am 20. Septämber isch dä Kegelabig gsih im Rest. Bahnhofli in Dietlikon. Es sind 12 Mitglieder cho go Kegel.

Wie immer hämmer zerscht öbis gässä damit mir nachhär mit viel Energie händ chönne Kegel.

Nachem normal Stich hät dä Rolf Nase vorne gah mit 172 Pünkt. 6 Pünkt vorem Werni.

Nachhär hämmer dä Glückstich gmacht und det hät dä Werni bessere Händli gah und hät dä Rolf überholt. Am schluss hät dä Werni dä Pokal übercho mit 30 Pünkt vorstrung. 3. isch dä Ruggeli worde. Die Besti Frau isch Bea gsih ufem 5 Rang.

Am 21. Oktober isch dänn scho die ersti uswärtsmatsch Fahrt agstande.

Mir sind uf Davos.

Mir sind am eis in Chloote abfahre mit 27 Mitglieder von euis und de Supporter. In Maienfeld hämmer en zwüschehalt gmacht.

Mir händ ih dä Eggorkel mitte im Dorf äh Wiidegustation gah.

Dä Peter Bosshart und dä Roli Habisreutinger sind au no zu euis gstosse.

Mir händ einiges über dä Wii erfahre und händ die verschiedene Wi degustiert mit eme Plättli dazue.

Es wäri noch gmütlich gsih nur euis Ziel isch ja Davos gsih drumm simmer am vieri witer uf Davos wo Nachtässe uf euis gwartet hät im Timeout restaurant.

Mir händ en guete Matsch gseh in Davos zfriede nach 5:3 Sieg für Chloote simmer däm am halbi eis dihei gsih.

Am 4. November isch Fahrt uf Ambri gsih. Dä Alass händ Supporter organiersirt.

Am 11 isches losgange. In Airolo hämmer Mittagässä igno Nachhär isch besichtigung vo dä Komandozentrale vom Gotthard Strassetunnel gsih. Zerscht häts än Film gäh über dä Bau vom

Gotthard. Nachhär simmer in Rettigsstolle näbet dä Gotthardröhre. Mir händ dörfe Auto luege wo dur dä Tunnel flitzet.

Ich muess sägä es isch sehr interessant gsih die Besichtigung. Mir sind dän am 17 Uhr witter nach Ambri miteme zwüschehalt im Piotta bim Ex Ambrispieler Zamberlani zur Widegustation. Nacheme gute Matsch wo Chloote gwunne hät mit 1:6 isches dän praktisch direkt hei nach Chloote. Danke vielmal ah Supporterteam für dä Anlass.

Am 2. Dezember isch dänn namal än Auswärtsmatsch bsuech gsih. Es isch mit 18 Mitglieder nach Langnau gange. Vorem Spiel händs ih dä Schaukäserei Fondue gnosse. Es isch es Spannends Spiel gsieh wo ih dä 51 minute dank em Marco Klöti entchiede hät zum 5-4 Sieg.

Ich möchte mich bi dä Margrith um am Hasi ganz hätzlich bedanke das sie die Fahrt organisiert händ. Ich han leider nöd mit chönne.

Am 11. Februar isch Spagettipausch agseit gsih. 42 Persone sind am Sunntig
Nachmittag ich TV Hütte Spitz cho. Wie immer hämmer die feine Sauce zu dä
Spagetti vom Werni und em Ueli chönne gnüsse. Danke vielmals fürs Koche.

Sit mitte Februar hät jetzt au Euse Fanclub äh Homepage. Ich versuche die
Page so guet wie möglich aktuell ha.

Adrässe isch:

www.fanclub-zueriunterland.net.

Am 20. Februar händ alli Präsidenten und Präsidentinnen uf Bärn chöne an das
uswahlverfahren für die Playoff. Wie es usecho isch händ ja alli chönne lässe
ich dä Zitig.

Leider han ich im Viertelfinal nie chönne uf Lugano bin ich dä Ferie gsih.
Chloote häts au ohni mich gschaftt in Halbfinal.
Uf Davos bin ich dänn 2 mal mit. Nur leider häts nöd viel bracht.
Ich han mich dän nur gfröget nachem usscheidung im Halbfinal wie hetts ächt
usgseh wänn Davos dä Irgel nöd gah het???

Schlussäntlich muess ich sägä mir sind gäge dä Schwizzermeister usegheit und
isch nöd so tragisch!

Davos isch Schwizzermeister worde und mir händ paar Tag später no euse
Raclettabig gah.

Es sind 50 Mitglieder und Gäste anwesend gsih.

Nach dem Superfeine Raclett mit vielen zuetate hämmer dän no Lotto gspiel.

Als Hauptpris hämmer Matschliibli gah, wo ich vom Sekretariat gponseret
übercho han. Namal hätzliche dank ah Sekretariat.

Vom Ochsner Sport und dä Katrin Keller hämmer au no Preise übercho.

Danke vielmals.

Ich danke mir wärdet wiedermal es Lotto mache.

Nachhär händ sich dänn alli uf Dessertbuffet gstürzt es isch wiedermal mega
gsih was da bracht worde isch.

Ich möchte no am Werni danke sägä fürs Koche bez. Abstriche vom Käse.

Im April hämmer no euses Vorstandsässä gnosse im Restaurant Ying Yang in
Bülach.

Ich möchte mich no ganz hätzlich bi mine 2 Vorstandkollege für die tolli Zämä
arbet danke. Herzlichen Dank.

So das wäri min Jahrbriicht vom verflrossenen Jahr.

Eui Präsidentin Barbara